

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

XIII. Idem probatur ex cap. 11. ad Corinthios.

[urn:nbn:de:hbz:466:1-54113](#)

personam à se amatam desiderare vestes, aut aliud aliquid aliqui
cuius alterius, continuò offert ipse sua illis meliora, & præ-
stantiora: ita etiam Apostolus, cùm videret Corinthios des-
iderare sanguinem sacrificiorum, & esum carnium immo-
tarum, vt eos reuocaret, ostēdit illis mensam Domini, in qua
sanguinem, & carnem habent sine comparatione præstantio-
rem. Sed si vera esset sententia aduersariorum, nihil Apo-
tolus obtinuisset. Si enim vera caro, & verus sanguis non est in
altari, sed tantum figura & signum, non magis mouebit ora-
tio Apostoli, quām moueret qui personæ amatæ offerre ve-
stem sericā depictam, vt eam auerteret à veste serica vera con-
cupiscenda.

C A P V T XIII.

Idem probatur ex cap. II. prioris ad Corinth.

ALTER locus ad vium Sacramenti pertinens habe-
tur cap. II. prioris ad Cor. vbi præter verba institu-
tionis, quæ suprà tractata sunt, habentur illa ver-
ba: *Qui manducat, & bibit indignè, iudicium sibi
manducat & bibit, non disiudicans corpus Domini.* Et super
Reus erit corporis, & sanguinis Domini. Hinc enim confici-
tur hoc argumentum. Reprehenduntur quidam, quod indi-
gnè recipiant corpus Christi, & inde dicuntur non vitam, sed
iudicium haurire. At isti non recipiunt spiritu, & fide corpus
Christi, quia vitiliter reciperent, si ita reciperet; ergo recipiunt
solo corpore; ergo corpus Christi verè præsens est in Eucha-
stia, neq; enim ore corporali sumi potest corpus Christi, vt est
in cœlo.

Aduersarij duobus modis eludere conantur hunc locum:
dicunt enim eos, qui indignè accedunt, duplii de causa reos
fieri corporis Domini, & iudicium sibi manducare. PRIMO,
quia non recipiunt verè corpus Domini, quod eis in illis sym-
bolis Deus offert, quod idem est, ac si illud in terram abiicer-
rent, & conculcarent. SECUNDO, quia iniuria afficiunt sym-
bola corporis Domini: iniuria autem symboli, seu imaginis
refertur ad ipsum, cuius est symbolum, vel imago. Vtramque
causam breuiter attingit Caluinus, lib. 4. Institut. cap. 17. § 33.
fusius autem Petrus Martyr in commen. huius loci, vbi ponit
exemplum statuæ principis, & Petrus Boquinus in lib. contra
Heshusium, pag. 164. vbi etiam adfert exemplum Theodosij,

qui

qui grauissimè puniuit, qui vxoris suæ imaginem affecerant contumelia.

SED neutra cauſſa ſolida eſt. A c. vt à poſteoriore incipiamus, miranda eſt in conſtantia Caluinistarum. In cauſſa enim imaginum non putat ſe peccare in Christum & Sanctos, cùm eorum imagines demoliuntur; & rident Catholicos, cùm illis obiiciunt, honorem, & contumelias imaginum referri ad exemplar: nunc autem ſummum sacrilegium eſſe volunt indignè ſumere figurata corporis Christi, quod ea iniuria in Christum iſum redundet. Porrò Klebitius tam eſt ſine mente, vt in eadem pagina in ſolutio. 7. argumen. inuehatur in eos, qui imagines Christi, & Sanctorum non demoliuntur, in qua dixerat peccare eos, qui indignè ſumunt ſymbola corporis Domini; quia in Regem peccat, qui ſigillo eius iniuriam facit, quia nimirum in ſigillo ineſt Regis imago.

PRAETEREA non cenſetur fieri iniuria imaginis, niſi quādo eo animo quis imaginem violat, vt illi iniuriam faciat: ſi enim alia de cauſſa imago diſcerpatur, conculcetur, maculetur, vt ſæpiſſimè vſu venit in imaginibus, vel humi depictis, vel in vafis, vefib⁹, aliisq; eiusmodi rebus existentibus, nemo dicit violatum eſſe eum, cuius illæ imagines ſunt. At qui Sacramentum Eucharistiæ percipiunt cum cōſcientia peccati laethalis, rei fiunt corporis Domini, & iudicium ſibi manducant, etiamsi non acceſſerint animo Euchariftiam violandi: non igitur illa cauſſa eſt huius peccati, quod Euchariftia ſit figura corporis Christi.

AD HAE C, ſi ideò peccarent, qui indignè ſumunt Euchariftiam, quia illa Christum repræſentat; non licet homini peccatori aſpicere, vel tractare imaginem Christi depictedam; neque verbum Dei audire. Nam iſta etiam Christum repræſentant, & offerunt, immò opinione aduersariorum, melius verbi Dei prædicatio Christum nobis significat, & offert, quam vllum Sacramentum. Et cur, quæſo, Manna, & aquam de petra ſumebant promiscuè boni, & mali; digni, & indigni, & tamen non dicebantur vlli rei corporis Domini, neque iudicium ſibi manducabāt, licet illa etiam Christum repræſentarent, & offerrent eo modo, quo Euchariftia aduersariorum ſententia?

Si OBRICIAS non licuisse in Testamento veteri homini polluto edere de carni bus ſacrificij, Lenit. 7. nec de panibus

Gg 5 propo-

propositionis, i. Reg. 21. RESPONDEO, id pro nobis facere. Illa enim, quia erant typi quidam, & figuræ Sacramenti Eucharistiae, exigeabant munditiam quandam corporalem, ut inde intellegeremus spiritualem munditiam, quam exigunt figurata.

Si rursus OBIICIAS, in Baptismo esse aquam veram, & naturalem, & non Spiritum sanctum sub speciebus aquæ; & tamen, qui aquam illam sine debita dispositione sumunt in Baptismo, sine dubitatione peccat in Sacramentum Dei, & proinde eriam in ipsum Deum. RESPONDEO, id quidem esse verum, peccare, qui Sacramentum quodcumque indignè, & sine dispositione sumunt, quia ponunt obicem gratiæ Dei, non autem quia materia illa significat, vel repræsentat aliquid sacram. At in Eucharistia sumenda præter dispositionem, ne in vacuum Sacramentum recipiatur, requiritur etiam singularis quædam, & specialis reuerentia, & puritas. Quod patet tum ex verbis Pauli: *Reus erit corporis Domini; Iudicium sibi manducat.* nihil enim tale de ullo alio Sacramento vsquam legimus, nec ullus diceret reum esse Spiritus sancti, qui aquam Baptismi indignè tractat: tum ex poena, qua puniebantur olim, qui Sacramentum Eucharistiae indignè percipiebant; nam vel ægrotabant, vel moriebantur, ut Apostolus testatur: *Ideo inter vos multi infirmi, & dorminunt multi;* & exempla aliqua refert Cyprianus in sermone de lapsis, qualia de Baptismo nusquam inueniuntur: tum denique, quod semper in Ecclesia diligentissimè cauerint, ne vilia particula Eucharistiae in terram caderet. TERTULLIA-

NVS de corona militis: *Calcis, aut panis nostri aliquid decutient in terram, anxie patimur:* at aquam Baptismi ipsi proficiamus, dum baptizamus. Quare non ideo solùm honoranda est Eucharistia, quia est Sacramentum, vel figura, vel signum corporis Domini, sed ob aliam longè maiorem causam: nulla autem singi potest, nisi quia ipsum Dominum vere continet, nam cetera communia sunt aliis Sacramentis, & figuris.

Iam ALTERA cauſsa, quam adferunt aduersarij, cur Paulus reprehendat indignè sumentes Eucharistiam, quod vide licet illi non recipient verè corpus Domini, quod sacra simbola illis offerunt; nihil habet probabilitatis. Nam Apostolus non dicit eos peccare, quod non recipient, sed quod recipiant.

pian t indignè: vbi crimen ponit in ipsa sumptione, non in omissione sumptionis.

PRAETEREA illa verba: *Iudicium sibi manducat, et bibit,* aperte indicant, ipsum, quod sumitur ab indignis, adferre illis mortem, cùm aliis adferat salutem: hoc enim est manducare iudicium, sumere aliquid, quod sumptum noceat.

PRAETEREA illa verba: *Non diudicans corpus Domini,* quid aliud significare possunt, nisi non discernens corpus Domini; sed ita sumens, ac si non esset corpus Domini? vbi certè non negatur manducatio veri corporis, sed affluit maximè.

PRAETEREA, si nollent impij sumere corpus Christi, non accederent ad Communionem: ergo cùm accedunt, nō in eo peccant quod nolunt corpus Domini, sed in eo, quod illud volunt, cùm sint eo indigni.

DENIQUE omnes interpretes, atque omnes veteres ita hunc locum semper intellexerūt. Basilius lib. 2. de Baptismo, cap. 3. Chrysostomus homil. 24. in priorem ad Corinth. prope finem; homil. 83. in Matthæum, & homil. 45. in Ioannem. Origin. homil. 2. in Psal. 37. Hesichius lib. 6. in Leuiticum, cap. 26. Hieronymus in 1. cap. Malach. Theophylactus, Oecumenius, Ambrosius, & Theodoretus in cap. 11. primæ ad Corinth. in eo ponunt peccatum, de quo loquitur Apostolus, quod immundi, ac fodi purissimum Domini corpus sumere audeamus. Et Chrysostomus quidem addit exemplum de eo, qui purpura regiam in lutum abiicit, qui non minus peccare censetur, quam si eam scinderet. Theophylactus ponit exemplum de luce solis, quæ oculis ægris nocet, non quia non videtur, sed quia nimia lux offendit debiles, & infirmos oculos. Oecumenius comparat indignè communicantes cum iis, qui Christum crucifixerunt; qui certè non solum peccârunt, quia Christum vt Deum non receperunt, sed quia eundem iniuria grauissima affecerunt. CYPRIANVS sermo. de cœna Dom. *Vbi sacrum cibum mens perfida retigit, & in sceleratum ospinis sanctificatus intravit, &c.*

Denique AVGUSTINVS lib. 5. de Baptismo, cap. 8. *Sicut,* inquit, *Iudas, cui bucellam tradidit Dominus, non malū accipiendo, sed male accipiendo, locū in se Diabolo præbuit: sic indignè quisq; sumens Dominicum Sacramentum, non efficit, vt quia ipse malus est, malum sit, aut quia non ad salutē accipit,* nihil

nihil acceperit: corpus enim Domini, & sanguis Domini, nihilominus erat etiam illis, quibus dicebat Apostolus; Qui mandat indignè, iudicium sibi manducat. & lib. I. contra Cresconium, cap. 25. probare volens usum malum rerum bonarum nocere: Quid, inquit, de ipso corpore, et sanguine Domini, Smico sacrificio pro salute nostra, quamvis ipse Dominus dicat; Nisi quis manducauerit carnem meam, & biberit sanguinem meum, non habebit in se vitam; nonne idem Apostolus docet, etiam hoc perniciosum male & tenibus fieri, cum ait; Quicunq; manducauerit panem, vel biberit calicem Domini indigne, reuerterit corporis et sanguinis Domini? Quo loco Augustinus apertissimè dicit, indigos peccare, q̄a sumunt ipsum corpus Dñi, unicum sacrificium salutis nostræ: certè autem unicum sacrificium salutis non est symbolum panis, sed ipsum verum Domini corpus. Idem Augustinus in epist. 120. ad Honoratum, cap. 27. loquens de superbis, qui indignè communicant: Et ipsi, inquit, adducti sunt ad mensam Christi, & accipiunt de corpore & sanguine eius; sed adorant tantum, non etiam saturantur, quia non imitantur. Vbi dicit, superbos licet sine fructu communicent, tamen percipere corpus Domini: & ne putemus eum loqui de corpore figuratè, id est, de pane, qui est signum corporis, dicit eos adorare id, quod sumunt, sed inde non saturari. Denique in epist. 162. ultra medium: Tolerat, inquit, ipse Dominus Iudam Diabolum, furem, & venditorem suum: sicut accipere inter innocentes discipulos, quod fides nō uerunt, precium nostrum. At certè non est precium nostrum, frustum panis, sed vera Christi caro.

SED obiicit Caluinus lib. 4. Instit. cap. 17. §. 34. quædam loca Augustini, vbi videtur sanctus ille Doctor negare sumi ab impiis corpus Christi. Tractat. 26. in Ioannem distinguit Augustinus visible Sacramentum à virtute, seu re Sacramenti: ac dicit ab impiis sumi tantum visible Sacramentum, non virtutem, aut rem Sacramenti: & Sacramentum quidem propone omnibus, siue ad vitam, siue ad exitium; rem vero ipsam omnibus ad vitam, nulli ad exitium. Quod autem per virtutem, & rem Sacramenti non solum intelligatur gratia iustificans, sed etiam corpus Christi, probat Caluinus ex antithesi inter visible, & inuisibile. Nam corpus Christi non est visible in Eucharistia; ergo non comprehenditur nomine Sacramenti

vib;

visibilis, quod à bonis, & malis sumitur: sed nomine rei inuisibilis, quæ sumitur solum à bonis.

RESPONDEO, S. AUGUSTINVS per virtutem seu rem Sacramenti, non intelligit corpus Christi absolutè, sed gratiam iustificantem, id est, effectum carnis Christi spiritualiter recipientis. Id patet tum ex eo, quod ibidem dicit, Patres Testamenti veteris in Manna de celo pluente sumptuose virtutem, & rem Sacramenti, quam nos in Eucharistia suscipimus; Patres autem non sumebant re ipsa carnem Christi, quæ nondum erat, sed sumebant effectum eius, id est, gratiam, quæ dabatur ex merito passionis Christi futuræ: tum ex eo, quod ibidem cùm asserit impios non sumere carnem Christi, addit vocé, spiritualiter: *Ac per hoc, inquit, qui non manet in Christo, & in quo non manet Christus, proculdubio non manducat spiritualiter carnem eius, nec bibit sanguinem, licet carnaliter, & visibiliter premat dentibus signum corporis & sanguinis.* Hæc ille. Porro, corpus ipsum Christi sine effectu suo, id est, sine spirituali nutritione animæ, non distinguit Augustinus à visibili Sacramento, sed simul cum illo comprehendit, licet non sit visibile ipsum corpus nisi in specie panis. Ratio, cur non distinguat corpus à signo visibili, est, quia non maiorem fructum percipiunt ex Communione, qui sic accipiunt corpus Christi, quam si nihil perciperent, nisi solum signum. Ac ne miretur Caluinus, nos dicere comprehendendi corpus Christi nomine signi visibilis, cogitet Scholasticos omnes dicere solitos Christi corpus sumi ab impiis Sacramentaliter tantum; cùm tamen constet, à Scholasticis non negari sumi ab impiis verè ipsum Christi corpus. Itaq; Sacramentaliter tantum, siue quod Augustinus dicit, in signo visibili tantum non excludit corpus Christi, sed effectum corporis Christi.

SED obiicit alium locum ex tract. 59. in Ioannē, vbi Augustinus dicit, Apostolos ceteros manducasse panem Dominum, Iudam manducasse panem Domini. & serm. 2. de verb. Apost. Tunc erit, inquit AUGUSTINVS, *enicuique corpus, & sanguis Christi, si quod in Sacramento sumitur, in ipsa veritate spiritualiter manducetur, spiritualiter bibatur.* Obiicit etiam alia loca, sed in eandem sententiam.

RESPONDEO, apud Augustinum sèpissimè illud solum dici tale, & verè tale, quod habet effectum suum coniunctū: res enim ex fructu aestimatur. Itaq; illos dicit verè comedere corpus

corpus Christi, qui vtiliter comedunt: quomodo etiam non vulgo dicimus aliquem nihil comedisse, qui tam parum comedit, vt non sufficiat ad eius vitam sustentandam; aut certe, quod comedit, non retinet, sed continuo eiicit. Idem etiam Augustinus lib. 4. in Julianum, cap. 3. cum dixisset, opera virtutis sine fide esse mala, & vitiosa, explicat, se illud solum appellare verum bonum, quod ad eternam salutem ducit. Et lib. contra Faustum, cap. 7. ostendit in Scripturis ita sepe accipi vocabula, vt non substantiam rei, sed qualitatem, vel effectum significant: vt 1. Cor. 15. dicuntur corpora post resurrectionem futura spiritualia; quia talia erunt quoad effectum, non quoad substantiam; & ibidem dicitur: *Caro & sanguis regnum Domini non possidebunt, vbi caro accipitur pro carnis corruptione: & 2. Cor. 5. Si nouimus Christum secundum carnem, tamen non nesciuimus*, vbi etiam caro non substantiam carnis significat, sed mortalitatem. Sic igitur dicuntur impij non comedere corpus Christi, licet sumant Sacramentum Eucharistiae, quia nibil est prodest, nec inde nutriuntur, aut roborantur. Denique in sermone de verbis Apostolia Caluino citato, *Avgustinus* dicit: *Illud manducare, refici est; illud bibere, quid est nisi vivere?* cum ergo manducare apud illum eo loco sit refici, quid mirum, si dicat eos non vere manducare, qui non reficiuntur?

Sed vrgit Caluinus alium locum ex lib. 21. ciuit. cap. 25. ubi Augustinus refert quorundam opinionem, qui putabant impios quoescunq; saluandos esse, modo non in Sacramento solum, sed re ipsa comedissent corpus Christi: refellit autem eam opinionem, atque affirmat, impios non posse diciverè comedere corpus Christi, sed solum Sacramento tenus.

RESPONDEO, eo loco per corpus Christi accipit Augustinus corpus Christi mysticum, cuius etiam Sacramentum est Eucharistia, vt ipse ibidem dicit. Nam opinio, quam refutat, ita accipiebat corpus Christi: dicebant enim illi non posse perire eos, qui Sacramentum percepissent, in vera Ecclesia constituti, quia eo modo non solum Sacramentum sumbant unitatis fidelium, sed etiam comedebant corpus Christi, id est, incorporati erant illi unitati. Augustinus autem refellit ac dicit; neque etiam eo modo impios comedere corpus Christi, quia non possunt esse membra Christi, cum sint membra meretricis: vbi tamen non negat impios esse de corpore Christi, quod est Ecclesia, sed negat esse membra viua eius corporis.

ris. Itaque argumentum Caluini in manifesta æquiuocatio-
ne versatur. Sed de his haec tenus.

C A P V T X I V .

*Soluuntur argumenta aduersariorum deprompta
ex verbo Dei.*

NVNC tandem soluenda sunt argumenta, quæ ad-
uersarij ex verbo Dei proferunt, ut probent Chri-
sticorpus non esse reuera in Eucharistia. Propo-
nam autem argumenta secundum ordinem libro-
rum Scripturæ sacræ, memorie causa.

PRIMVM argumentum sumunt ex illis verbis Psalm. 113.
Deus autem noster in cœlo. Et Isaix 66. Cœlum mihi sedes est.
Ex his locis hoc argumentum instituit Petrus Martyr in lib.
contra Gardinerum, par. i. in 8. obiecto: *Christus & homo post
resurrectionem est in eadem sede cum Patre, quia sedet ad
dexteram Dei; ergo sicut Deus Pater in cœlo sedem habet, ibi quod
quarendus est, non in templo, vel pixide; ita etiam Christus, ut
si velimus, sedem Dei & cœlum in pixide contineri.*

RESPONDEO; Argumentum hoc nihil omnino probare,
vel potius contrarium probare eius, quod auctor intendit.
Nam licet sedes Dei dicatur cœlū, quia in eo loco Deus ma-
nifestat gloriam regni sui; tamen etiam extra eum locū Deus
inuenitur, cùm sit ubique: & falsum est Deum non esse quæ-
rendum, nisi in cœlo, cùm Act. 17. Paulus dicat, ubique posse
queri, & inueniri Deum, quia non longè est ab unoquoque
nostrum: in ipso enim vivimus, mouemur, & sumus. Eodem
igitur modo Christus homo, licet sit in cœlo & ibi sedeat in
throne regni, manifestans Angelis & beatis gloriam suam;
tamen etiam extra cœlum esse potest, ubi ipse voluerit: non
ergo dicimus cœlum esse in pixide, sed Christum in cœlo, &
extra cœlum esse posse.

SED urget Martyr in solutione obiecti 48. hoc sophisma:
*Christi corpus est in cœlo, Christi corpus est in Sacramento, ergo
Sacramento est in cœlo.* Et quia responderat Gardinerus vi-
tiosum esse argumentum, cùm constet quatuor terminis,
iterum Martyr affirmat, non esse nisi tres terminos, videlicet
CHRISTI corpus, existens in cœlo, existens in Sacra-
mento: & duobus aliis argumentis contendit omnino sequi, ut
Sacra-